

# 《佛說觀無量壽佛經》 補充講表

## ◎附表十二：

○欲生彼國者，當修三福：

《觀經四帖疏》卷第二云：「從欲生彼國者下，至名為淨業已來，正明勸修三福之行。此明一切眾生

機有二種：一者、定；二者、散。若依定行，即攝生不盡。是以如來方便，顯開

三福，以應散動根機。言欲生彼國者，標指所歸也。言當修三福者，總標行門也。」

## ○孝養父母

《梵網經》云：「爾時釋迦牟尼佛，初坐菩提樹下，成無上正覺已，初結菩薩波羅提木叉。孝順父母、

師僧、三寶，孝順，至道之法。孝名為戒，亦名制止。」

《靈峰宗論》卷第四之二孝聞說云：「世出世法，皆以孝順為宗。梵網經云：【孝順父母師僧三寶，

孝名為戒。】蓋父母生我色身，僧生我法身，三寶生我慧命，

是故咸須孝順。而欲修孝順者，尤須念念與戒相應。」

○受持三歸（三歸：以三寶為所歸依。）

《大乘起信論裂網疏》卷第一云：「歸者：投向義，返還義。生死海中，唯三寶功德可作恃怙，故應

投向。三寶體性，即眾生現前介爾心性，由無始來背覺合塵，甘自逃背，今背塵合覺，復本心源，故名返還也。」

|         |                  |
|---------|------------------|
| 三寶：住持三寶 | 一體三寶（唯約心體，義分三相。） |
| 佛：形像塔廟  | 智：一心三觀           |
| 法：紙素所傳  | 理：一境三諦           |
| 僧：戒法儀相  | 理智和合之心           |

《大乘起信論裂網疏》卷第一云：「證此一體三寶，名十方佛；說此一體三寶，能詮所詮，皆名為十

方法；修此一體三寶，名十方僧。是為大乘住持三寶。若無一體三寶，

則無以建立住持三寶；若非住持三寶，則無以顯發一體三寶。」

○發菩提心：以出離心為基礎，發起上求佛道，下化眾生之心。

《大乘起信論》云：

清涼國師於《華嚴疏鈔》卷二指出：菩提心為始，體即三心：

一者、直心：正念真如法故。——即是大智，無所執著。

二者、深心：樂集一切諸善行故。——即是大願，謂四弘等。

三者、大悲心：欲拔一切眾生苦故。

### ※約淨土宗的角度

《大乘起信論裂網疏》卷第六云：「為度眾生求生淨土，非為自身獨出生死。有此菩提弘願，方是往

生正因。不然，縱令念佛菩薩，與佛菩薩氣分不相契合，不能生淨土也。」

一、曇鸞大師《往生論註》云：「此無上菩提心，即是願作佛心。願作佛心者，即是度眾生心。度眾

生心者，即攝取眾生生淨佛國土心。」

二、善導大師於《觀經四帖疏》卷第四云：「次就上品下生位中，……唯發一念厭苦，樂生諸佛境界，

速滿菩薩大悲願行，還入生死，普度眾生，故名發菩提心也。」

三、蕩益大師於《彌陀要解》云：「具此深信，方能發於大願。文中「應當」二字，即指深信。深信

發願，即無上菩提。合此信願，的為淨土指南，由此而執持名號，乃為正行。」

### ○深信因果

《佛說阿彌陀經要解》云：「問：今發願但可云當生，何名今生？答：此亦二義。一、約一期名今，

現生發願持名，臨終定生淨土。二、約剎那名今，一念相應一念生，念念

相應念念生。妙因妙果，不離一心，如稱兩頭，低昂時等。何俟娑婆報盡，

方育珍池。只今信願持名，蓮萼光榮，金台影現，便非娑婆界內人矣。」

《成唯識論觀心法要》云：「稱之兩頭，以喻因果。稱之低昂，以喻生滅。低昂時等，以喻生滅同一

剎那，無有前後也。」

○佛告韋提希：「汝今知不？此三種業，乃是過去、未來、現在三世諸佛，淨業正因。」

《靈峰宗論》卷二云：「諸法無性，盡隨心轉。心為名利，一切趨名利；心為菩提，一切趨菩提。」

《妙法蓮華經》藥草喻品云：「諸聲聞眾，皆非滅度，汝等所行，是菩薩道，漸漸修學，悉當成佛。」

《大乘起信論》云：「譬如大摩尼寶，體性明淨，而有礦穢之垢；若人雖念寶性，不以方便種種磨治，

終無得淨。如是眾生真如之法，體性空淨，而有無量煩惱染垢；若人雖念真如，

不以方便種種熏修，亦無得淨。以垢無量，遍一切法，故修一切善行，以為對

治。若人修行一切善法，自然歸順真如法故。」

○為未來世一切眾生，為煩惱賊之所害者，說清淨業。

《觀經四帖疏》卷第二云：「言說清淨業者，此明如來以見眾生罪故，為說懺悔之方，欲令相續斷除，

畢竟永令清淨。又言清淨者，依下觀門，專心念佛，注想西方，念念罪除，故清淨也。」

○見彼國土極妙樂事，心歡喜故，應時即得無生法忍。

《華嚴疏鈔》卷五十二云：「約法，則諸無起作之理，皆曰無生；慧心安此，故名為忍。」

無生法忍：可分為二：共三乘（聲聞、緣覺、菩薩乘），以及大乘菩薩（圓教初住與別教初地）。

無生法忍：略云無生忍，此處乃約大乘菩薩（圓教初住與別教初地）而言。無生法者，遠離生滅之真

如實相理體也，即是諸法不生不滅的體性。而忍有二義：忍可：悟到真如。二、安忍：

證到真如。

因此真智安住於此真如理而不動，謂之無生法忍。

蘇軾於《前赤壁賦》云：「客亦知夫水與月乎？逝者如斯，而未嘗往也；盈虛者如彼，而卒莫消長也。」